

Vrtaljica decembar 2009

21 December 2009

Vrtaljica, decembar 2009.

Obzirom da su se na izletima u Vrtaljicu desktruktivne radnje, nad nedavno postavljenim objektima (klupe, info table) ali i i umskim stablima, ponovo intenzivirale naše udruženje je početkom ovog mjeseca poslalo saopćenje građanima Konjica. Saopćenje prenosimo u nastavku ovog teksta.

Poštovani građani Konjica,

Obraćamo Vam se povodom sve učestalijih neprimjerenih radnji koje se u posljednje vrijeme vršile na izletima u Vrtaljicu. Naime, nakon što su, zasad neidentifikovane osobe, unazad par sedmica, vršile sječu, odnosno zarezivanje zdravih borovih stabala radi uzimanja luča, sada su se, vjerovatno te iste osobe, usmjerile i na uništavanje nedavno postavljenih klupa za odmor i informativnih tabli. Nekoliko desetina izletnika, koji su u par proteklih vikenda pohodili Vrtaljicu, mogli su vidjeti oštećene klupe na Vrtaljici od strane pojedinaca koji ih nisu koristili za odmor već za sječu nosivih greda klupa iz kojih su vadili luč. Naravno, klupe su dobrim dijelom uništene iako su postavljene tek prije nekoliko mjeseci da služe izletnicima za odmor na ovom poznatom konjičkom izletima. Također, ove negativne pojave se dešavaju upravo u vrijeme kada je Vrtaljica ponovo postala veoma posjećena.

Ovom prilikom pozivamo sve građane koji posjećuju Vrtaljicu da obrate pažnju na ovu nelegalnu pojavu i pogotovo na njene izvorne i kako bi se isti mogli identifikovati i u saradnji sa nadležnim institucijama sankcionisati.